



Broj: 01/IV-06-1-791-1/20
Sarajevo, 06.03.2020. godine

- **Dom naroda Parlamenta Federacije BiH
sekretar**
- **Vlada Federacije BiH
n/r Edita Kalajdžić, sekretar**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

| Primljeno: 11-03-2020 | | | |
|-----------------------|------|---------|------------|
| Org. jed. | Broj | Priloga | Vrijednost |
| 05/2 | -02- | 40 | 20 |

Predmet: Odgovor na delegatsko pitanje Segmedine Srne-Bajramović, dostavlja se

Poštovani,

Na 5. sjednici Doma naroda Parlamenta Federacije BiH, delegatkinja ovog Doma Segmedina Srna - Bajramović postavila je delegatsko pitanje koje glasi:

„Tražim da mi se na osnovu obračuna sredstava u zdravstvu dostave podaci koliko je u 2017., 2018. i 2019. godini ukupno utrošeno novca u javnim zdravstvenim ustanovama, a koliko su građani zbog nemogućnosti ostvarivanja usluga u javnom zdravstvu uplatili privatnim zdravstvenim ustanovama“.

U vezi sa navedenim pitanjem obavještavamo vas da podaci za 2019. godinu nisu obrađeni, s obzirom da se isti iskazuju na osnovu podataka iz godišnjih obračuna zdravstvenih ustanova i zavoda zdravstvenog osiguranja, a koji se predaju posljednjeg dana u februaru tekuće godine za prethodnu godinu. Konsolidovani podaci na nivou Federacije BiH za 2019. godinu se mogu očekivati tek u junu 2020. godine.

Prema podacima iz Obračuna sredstava u zdravstvu Federacije BiH za 2017. i 2018 godinu, daju se slijedeća objašnjenja.

Ukupna potrošnja u javnim i privatnim zdravstvenim ustanovama u Federaciji BiH u **2017. godini** iznosila je 1,55 mlrd. KM, od čega je potrošnja u javnim zdravstvenim ustanovama u Federaciji BiH iskazana u iznosu od 1,14 milijardi KM, a u privatnim zdravstvenim ustanovama 414,5 mil. KM.

Potrošnja u javnim zdravstvenim ustanovama je, najvećim dijelom, finansirana sredstvima ostvarenim iz obaveznog zdravstvenog osiguranja u ukupnom iznosu od 973 mil. KM, a van obaveznog zdravstvenog osiguranja ostvarena sredstva su iznosila 211 mil. KM. Od ukupnog iznosa ostvarenih sredstava van obaveznog zdravstvenog osiguranja, na direktna plaćanja fizičkih i pravnih lica se odnosi 108 mil. KM.

U okviru potrošnje u privatnim zdravstvenim ustanovama u Federaciji BiH, iskazane u 2017. godini u iznosu od 414,5 mil. KM, najveći dio se odnosi na potrošnju lijekova u privatnom sektoru u iznosu od 268,4 mil. KM, a na troškove zdravstvenih usluga i pregleda 146,1 mil. KM. Od ukupne potrošnje lijekova iz obaveznog zdravstvenog osiguranja je finansirano 112,4 mil. KM za izdate lijekove na recept, a 155,9 mil. su troškovi lijekova koje su građani plaćali vlastitim sredstvima.

Saglasno navedenim podacima se može zaključiti da su građani po osnovu troškova zdravstvene zaštite (zdravstvene usluge i lijekovi) u 2017. godini vlastitim sredstvima platili 302 mil. KM ili 19,4 % od ukupne zdravstvene potrošnje.

